

بايات بويو ، « بايات » سۆزو ، باياتيلار

آيدىن قاسم اف

اورتا عصر تارىخچىلرى اۆز عصرلرىندە بوگونكو بشرىن نوح عليه السلام اولادلارى اولدوغو فيكرىندە بىرلشمكده دىرلر . توفاندا نوح گمي سىندە نوحون حام ، سام ، يافئس آدلى اوچ اوغلو وارمىش . يافئس سىن سىككىز اوغلو وارمىش . بۇيوك اوغلونون آدى تورك ايمىش . توركون اوغلو توتوقدور . توتوقدان سونرا اوغلو ايلجه خان و نوه لرى دىب ياقوت خان ، قوبوق خان و آلىنچا خان حۇكمدارلىق ائتمىشلر . بهادر خان « شجره تركمه » اثرىندە گۇستىرىركى ، « آلىنچا خانىن تاتار و مغول آدلى ايكى اكيىز اوغلو وارمىش . قوجالار كن اۆلكه سىنى ايكى اوغلو آراسىندا بۇلوشدورموش و ايكى قارداش اوزون ايللر دوستجاسىنا ياشامىشلار » (48 ، 9) .

آلىنچا خانىن نوه سى قاراخانىن اوغوز آدلى اوغلو وارمىش . اوغوزخان حاقىنىدا منبعلرده معلومات چوخدور . اونون حاقىنىدا بىر چوخ روايتلر سؤيله نمىشدير . مشهورلارىندان بىرى بئله دىر كى ، گويا اوغوز خانىن بىر ياشى اولاندا آتاسى قاراخان بوتون اۆلكه سىنه گۇندە رىب اھالىنى بىغراق بۇيوك ضيافت وئرمىش و دئمىشدير :

« اوغلوم بىر ياشىنا گلدى ، اونا نه آد قوياجاقسىنىز ؟ » بىلر جواب وئرمە دن چوجوق اۆزو سؤيله يىب : « منىم آدىم اوغوزدور » .

اوغوزخان آتاسىنىن يئرئنه خان اولونجا شرقه و غربه يوروش ائدە رك خراسان ، عراق ، سوريه ، آذربايجان ، ائرمستان و مصرده مسكن سالدىغى دا روايت ائدىلمكده دىر . يئنه اوغوزخان گويا سوريه ده اولار كن بىر نغرى چاغىرمىش ، بىر قىزىل يايى شرقده ، اوچ قىزىل اوخو غربده گىزلتمە يى اونا تاپشىرمىش و اوچ بۇيوك اوغلونو (گون خان ، آي خان و اولدوز خانى) شرقه و اوچ كىچىك اوغلونو (منگلى خان ، داغ خان و دىز خانى) ايسه غربه گۇندە ره رك اونلارى تاپماسىنى تاپشىرمىشدير . قايدار كن بۇيوك قارداشلار قىزىل يايى كىچىكلر ايسه اوچ قىزىل اوخو تاپىب گتىرمىشلر . اوغوز خان اونلارى بۇلوشدورمە يى اور ائدىنجه بۇيوكلر يايى اوچ يئره بۇلوب پايلامىشلار . اوغوز خان بونلارا « بوز اوخ » اوچ اوخو پايلاشانلارا ايسه « اوچ اوخ » آدىنى وئرمىشدير .

حاكىمىتى ده « بوز اوخ » لارا تاپشىرمىش ، « اوچ اوخ » لارىنسا اونلارا تابع اولماسىنى امر ائتمىشدير . بايات گون خانىن اوغلو اولماقلا اوغوزلارىن حاكم صنفىنى تشكىل

ئىدە ن

« بوز اوخ » لاردان سايىلىر . آسيانين گىنىش اۆلكە لرىندىن آذربايجانا ، آنادولوييا ، عراقا ، و'لگابويلارينا قدر ايزلري گۇرونن باياتلارين تاريخي وارليغيني آرايلاق ، اونلارين هارادا ، نه زامان ياشادىقلاريني آچىقلاماق ، بو گىنىش اۆلكە لردە اونلارين مادي و معنوي وارليغيني آزدا اولسا آنلاتماغا چاليشاجاغىق .

الدە اولان قايناقلاردا گۇرە ، ايندى كي بير چوخ تورك خالقلاري نين كۆكو اوغوزلارلا باغليدير . بودا بللي دير كي ، اوغوزلاردا آيري - آيري تورك اوروقلاري نين بيرلشمە - سيندن يارانمىشدير . بايات بو اوروقلار ايچە ريسيندە اۇزونه مخصوص بيرىئر توتور . تيرلي ارە نلري ، اردملي ايگيدلري ، دوشونجه لي آغ ساققال لاري ايله آد چىخارمىش بايات اوروغو اۇز آدينى تانىمىش بير شىخىدن « بايات » دان گۇتورموشدور . بايات اوغوزخانين نوه سي ، گون خانين اوغلودور . بۇيوك تاريخچي و دۇبوشچو ابوالقاضي بهادرخان خيوه لي (1602 - 1664) اۇزونون مشهور « شجره تورك » اثريندە يازير :

« اوغوز خانين آلتى اوغلو وار ايدي : گون خان ، آي خان ، يىلديز خان ، گۇي خان ، داغ خان ، دىز خان . بو آلتى خانين هر بيرى نين قانونى خاتونلاريندان دۇرد اوغلو وار ايدي . گون خانين بۇيوك اوغلونون آدي قايي ، ايكىنجى سىنين كي بايات ، اوچونجوسونونكو آلقا اۇيلو ، دۇردنجوسونونكو قارا اۇيلو ايدي . گون خانين اوغلو بايات اوغوز اوروقلاري - نين توپلانتى لاريندا خانين ساغ يانيندا اوتورار ، اوغوز اوردوسونون ساغ قولونا باشچىلىق ائدر . اوغوز كوبارلارينا مخصوص « بي شولن » دئيلن مجلسلردە خان ايله بيرليكدە قوچون ساغ بودونو يئيه ردي » (102 ، 19) . باياتلارين چوخ اۆلكە لردە داغىلمالاري و ديش (تاش) اوغوزلارين آپاريچى قولونو تشكىل ائتمە لرينى گۇسترنە ن پرفسور ز . ب . توغان يازير : « شمالدان قالخىب جتوبا يئرلشن يورات - يوغورلار ، قايات - قايالار ، قانيقلي يوت - قانيقلي لار و بايات اوت - باياتلار اسميني داشىيان قبيله لر اصلا تورك اولوب ، بير قسمي ظهورو زمانينا قدر مغول لاشمىش ايدىلر » (57 ، 12) « باياتلار چنگيز خانا كۆله دئيل ، اونون اطرافيندا توپلاشان بير چوخ قبيله لردن بيرى دير » - دئيه ژوزئف دۇگين بو حاقدا يازير : « تئمو چينه تابع اولان قبيله لر (باياوتلار ، سجينوتلار ، حثرونلار) جاموقا آديندا بير رئيسين طرفيني ساخلاردىلار » (86 ، 16) .

بو دئيلن لر اونو گۇسترير كي ، اوغوز اويماقلاري آراسيندا ياشايان باياتلار توركجه ني قوروموش ، مغول لار آراسيندا ياشايان و اونلار قارشانلار ايسە تدرىجا مغول لاشمىشلار . باياتلارين آنا يوردو حاققيندا چئشىدلى قايناقلاردا گىنىش بىلگي لر واردير . ابوالقاضي بهادرخان بو خصوصدا دانيشار كن يازير : « باياتلارين اوروقلاري چوخدور .

مهم لري جيدايين نهري كناريندا ياشايان « جيدايين باياتلار » و مكرين نهري كناريندا ياشايانلار ايسه « مكرين باياتلار » دير « (76 ، 9) .
مورازادوهسون ايسه : « باياتلار جيدا كناريندا يئرلشميشديلر » - دئيه قيد اندير (127 ، 17) .

بو حاقدا ان گننیش معلومات « تورك انيسكلوپئدياسين » دادير . اورادا كي معلوماتلاري عمومي شكليده بئله خلاصه ائتمك اولار . باياتلار 10 عصردن اونجه سير - دريا ساحيل لرينده و اونون شمالندا كي بوز قيرلاردا كي ياشايرديلار . اونلارين بير قسيمي سونرادان سلجوق (يا خود تركمن) فتحلرينه قاتيلاراق سير - دريادان آدالار دنيزينه (ائگه دنيزي) قدر اوزانان بؤيوك ايئيريالارين قورولماسيندا بؤيوك رول اويناميشلار . 19 يوز ايللرين اورتالاريندا مرعش بؤلگه سينده ذوالقدرين بي لييني قوران و سيواس اطرافيندا يورد سالماغا چالیشان شام و يا اؤز اوغلو توركلري آراسيندا مهم بير موقعه صاحب اولان و اكثرى بو گونكو يوز قاد منطقه سينده يئرلشن بو باياتلار شام باياتي آديله سوريه ده قالميش اولان قارداشلاريندان آيريلميشدير . 15 عصرين باشلانغچيندا اينتاب ايله حلب آراسيندا ياشايان باياتلار 16 عصرده ديگر توركمنلرله بيرليكه حلب توركمنلريني مئيدانا گتيرميش ، 16 عصرين اول لرينده « بايادي » آديله تانينميشلار . آنا دولو و آنتاكيادا ايسه ان مشهور اويماقلار اولان خَقرلي ، شرفلي ، قيزيل دونلو ، اؤك دنلي ، قاراجا قويونلو ، مانجانيق ، قانقال و يئني ائلده يورد سالميش لار . 16 عصرده بونلارين بير قسيمي قارامان ، بير قسيمي ده آدانا بؤلگه لرينه كؤچموشلر (137 ، 13)

« كيتاب - دده قورقود » داكي مقدمه ده و بير چوخ منبعلرده گؤستريلديي كيمي ، دده قورقود بايات ائلينده ندير . اوغوز قبيله لري نين قديم تصنيفاتينا گؤره ، بايات 24 اوغوز بويوندان بيرى دير .

1 - اسكي دونيانين ان بؤيوك ديلچي لريندن اولان محمود كاشغري بو سؤزون آرغو ديلينده « اولو تانري » معناسيني وئردييني و اوغوز قبيله لريندن بيرى نين آدي اولدوغونو قيد لئدير (718 ، 11) .

2 - 15 عصر تورك اويغور شاعيري ، عالم يوسف خاص حاجب بالاساغونلو اؤزونون مشهور « کوتادغوبيليك » عصرينده « بايات تانري » نين آدينى چكىر و « بايات آدي بيرله سؤزوم باشلاديم » - دئيه اونو ياد آئدير (186 ، 7) . دوغرواندان ، بايات تورك ديللي خالقلارين ، او جمله دن آذربايجان خالقي نين كنجميش چاغلاردا تاپديغي ، اينام بسله ديبي اولو بير تانري كيمي تانينميشدير . لاکن بو تانري نين هانسي ايناملا باغلي اولماسي ايندييه قدر تام علمي آيدنليغي ايله اؤيره نيلمه ميشدير .

3 - بعضي تدقيقاتچي لار باياتين سو ايله باغلي اره ن - تانري اولدوغونو گؤسترمدكه

دير (186 ، 7) . قديم تورك خالقلاري نين تاريخي ايله آرديجيل مشغول اولان سووئت عالمي ل . ن . قوميليوو « قديم توركلر » آدلي اثرينده يازير كي ، قديم توركلر (او سیرادان دا آذربايجانلي لار) طبيعتين صاحب لري سايبيلان و يئر - سو آدلانديريلان اره ن - تانريلارا اينام بسله ميشلر (80 ، 8) .

4 - ابوالقاضي خان خيوه لي ايسه يازير : « باياتين » معناسي « دؤولتلي » دئمكدير (104 ، 19) .

5 - بايات « زنگين » و « نعمتي بول اولان » دئمكدير (138 ، 13) .

6 - بايات « دوشمنه قارشى گنجه آخينلاري ياپان » دئمكدير (55 ، 21) .

7 - بايات - آلا توركجه موسيقي ده بير موغامدير (122 ، 14) .

8 - بايات « كؤهنه ، تزه اولمايان ، زاماني گنجميش » دئمكدير (215 ، 20) .

9 - آ . ن . سامويلوويچ بئله حساب آئدير كي ، « بايات » سؤزو « دؤولتلي » معناسي وئرهن « بايات » دان عمله گل ميشدير و اونون سونوندا كي « ت » قديم تورك ديلينده جمع شكيل چي سيدير (116 ، 10) .

10 - گؤركملي متن شناس و خالق ادبياتي بيليجي سي سالمان ممتازين بايات بويوتون آذربايجان ادبياتيندا كي مهم رولو حاققيندا كي قيدلري ماراقليدير . او يازير : « ديوان اللغات الترك » ، « دده قورقود » ، « اوغوزنامه » ، « شجره تورك » و باشقا بعضي عربي ، فارسي ، توركي منبعه و ماخذلر بايات بويونون ، بايات ائلينين موهوم اولماياراق گئرجك و حقيقت اولدوغونو اثبات ائتمكده ديرلر . بو "د حاققيندا بو گونه كيمي هئچ بير اختلاف توره نمه ميشدير . بعضي مؤلفلرين يازمالارينا گوره بايات اوغوز خانين اوغلو گون خانين ايكينجي اوغلودور . عاغيللي ، فراستلي ، باي ، وارلي اولدوغو اوچون اونو « بايات » آدلانديرميشلار . بو تسميه نين وجهي ايسه باياتين اؤز قارداشلاريندان هر بير جهتدن اوستون و باي ، باشقا ايگيدلردن ده جسور و اؤتكون اولماسي - ايميش - آدين معناسي دا تقريبا « آدلي - سانلي » ، « معروف » و « مشهور » دئمكدير (ع) . سالمان ممتاز بو سؤزو پارچالاييب آيدينلاشديرير : باي - وارلي ، بؤيوك ، بۇي ؛ آت - آد ، اسم ، نام (4) .

بايات و باياتلي لار حاققيندا سون درجه گئنيش معلوماتي اولان سالمان ممتاز ، محمود كاشغري و ابوالقاضي بهادر خانا اساسلاناراق بايات اوروغونون آدي نين گون خانين آديندان ، آلدغييني بير داها گؤستيرير .

« باياتا نسبت اولان اولوسا ، ائله ، خالقا بايات و بيات دئييرلر . باياتلار آذربايجاندا اساسي كؤك سالميش و اولدوقجا قابليتي بير اوروق كيمي اوينايان باياتلارين آدي اؤزونو موسيقي ميزده ده قورويوب ساخلا ميشدير : « بايات عجم » ، « بايات اصفهان » ، « بايات كرد » ، « بايات شيراز » ، « بايات قاجار » ، « چوبان باياتي » و سائر .

هله 19 عصرده آذربايجانين توپوقراف عاليمي ابراهيم آغا وکیل اف آذربايجاندا « بايات » آدلي 5 کند گؤستيرير . اونلاردان بيرى اول کي شوشا ، او بيرى گؤي چاي ، بيرى ساليان ، بيرى قوجا ، او بيرى ايسه شاماخي قزالاريندا ايدي (3) . « آذربايجاندا مسکون يئرلرين سياهي سي » کيتانيتدا ايسه « بايات » آديله باغلي آشاغيدا کي کند سو وئتليکلري ، کند لر و اونلارين اهالفي سينين ملي ترکيبي گؤستريليميشدير :

(1) آعجابدي : بايات کندسوئت ليبي ، اهاليسي (9 ، 79) فايژ تورکلر (آذربايجانلي لار) ؛

(2) دوه چي : الف : سينجان بايات ، ب : اوزون بايات کندلري . (150 ، 27) تصرفات ، اهاليسي (2 ، 99) فايژ تورک ؛ 3) گؤي چاي : بايات ، (146) تصرفات اهاليسي (9 ، 98) فايژ تورک ؛ 4) شاماخي : بايات (22) تصرفات ، (88) فايژ تورک (2 ، 144) آذربايجانين شفاهي خالق ادبياتينين ان گئنيش ياييلان ، کوتلوي بير نوعوده باياتلي لارين

آديني عؤمورلوك ياشادان بنزرسيز باياتي لار دير . باياتيلارين تاريخيندن ادبيات شناسليغيميزدا ايلک دفه ان دولغون شكيلده بؤيوک سالمان ممتاز دانيشميشدير . بيزجه ، سالمان ممتازين تدقيقاتي ايله تانيشليق اوخوجولار اوچون ماراqli اولار . او يازير : « شعرلرين خصوصي آدلارينا گلديکده اونلاردا ماني ، وارساغي ، تورکمانی ، گرايلي ، اووشاري ، باياتي و باشقالاريندان عبارتدير . اوسمانلي سلطانلاريندان بحث ائدير . اثرده تاريخ شناسليغيميز اوچون ان ديرلي معلوماتلاردان بيرى اوغوز خاقانين ابراهيم خليل عليه السلام زامانيندا ياشاماسي ، اوغوز شجره سينده ايکينجي قاراخان آدلي ايله مشهور خاقانين دده قورقود و مدینه يه گؤنده ريب محمد پيغمبرله گؤروشدورمه سي ، آيقوتلوق خاقانين قورقود آنا اوغلو اؤرگج دده ني مدینه يه خليفه عثمانلا گؤروشه گؤنده رمه سي ، يولدا ايکن عثمانين اولمه سي و اؤرگج دده نين خليفه علي (ع) ايله گؤروشمه سي دير (18 ، 117) . اينجه قوشمالاريله کؤنوللر اوخشاين واقف ده « بايات » بويونداندير . بو فيکير عاده ايلک دفه سالمان ممتاز سؤيله ميشدير : « بؤيوک فضولي بايات ائليندن اولدوغو کيمي ، آذربايجان ادبياتيندا مهم بير موقع توتان واقف ده بو نجيب ائله منسوب دور ، آشاغيدا کي مطلع سي له واقف بونو اعتراف ائتمه کده دير :

قاراباغ ايچره بير شاعير کليم اله موسي دير ،

جاوانشير ايچره بير موزون باياتي دست - بيظادير « (6 ، 94)

بيزده سالمان ممتازين فيکرينه بوتؤولوکله اورتاغيق ، چونکي او هم ده تاريخ باخيميندان حقيفته اويغوندور . باياتلار قاراباغدا دا مشهور اولموشلار . تطادفي دئييل

كي ، قاراباغ خانليغي نين ايلك پايختي پناهعلي خان جوانشيرين 48 - 1747 جي ايللرده كبير ماحاليندا تيكديردييي بايات قالاسيدير . (1) . تاريخده « بايات » ائليندن بونلاردان باشقا دا بير چوخ عاليم لر ، شاعيرلر ، سركرده لر و گؤركملي شخصيتلر چيخميشدير . بو شخصيت لردن بير

16عصرده ياشاييب ياراتميش بايات عباسي دير (بير چوخ آذربايجان شاعير و آشيقلاري كي مي بايات عباسيدا شعرلري نين ايلك چاپي سالمان ممتازين آديله باغليدير) . توركيه نين مشهور شاعيري يحيي كمال باياتلي داغ « بايات » بويونداندير . بؤيوك شاعيريميز صمد وورغون دا بو بوي منسوبدور . بوتون بونلار گؤستير كي ، واختيله آذربايجاندا بايات طايفاسي چوخ گنئيش يايلميش ، شفاهي خالق ادبياتي نين انكشافيندا بؤيوك رول اويناميش و اونون ايچه ري سيندن نفوذلو صنعتكارلار يئتشميشدير .